

1668  
15 Kal. Martii.

Alexander

Episcopus servus  
servorum Dei ad

Perpetuam rei memoriam

Regiminis Apostolici

Divina Providentia nobis quam Vis  
inmeritis Commissi ratio postulat  
ut ad ea potissimum quæ Catholicæ  
Religionis integritati et propaga-  
tioni animarumque saluti et fide-  
um tranquillitati consulere, aptæ  
et idonea esse iudicantur, animam  
et curam omnem, quantum licet in  
Domino applicemus, quamobrem  
Cornelii Jansenii hæresion, in Gallis  
præsertim serpentem, ab Innocentio  
& feliciis re recordationis Prædeces-  
sore nostro fore oppressam ad instar  
colubri tortuosi, cujus caput attritum  
est, in varios gyros et cavillationum  
deflexus euntem singulari Constitutione  
ad hunc finem edita edita altero

assumptionis nostræ anno extinguere  
conati fuimus, sed ut multiplices  
hostis hominum generis, artes adhiberi  
nondum plenè consequi potuimus, et  
ut omnes errantes in viam salutis  
reducerent, qui tamen unus erat errorum  
et curarum nostrarum scopus quibus  
operam et industriam suam egregio  
sane studio venerabiles fratres nostri  
Archiepiscopi et Episcopi Regni Gallie  
earundem Constitutionum Apostolica  
rum executioni præcipue intenti  
contulerunt et carissimus in Christo  
filius noster Rex Christianissimus,  
singulari pietate auxiliarem dexteram  
dexteram strenuo ac constantissimo  
animo porrexit, Cum autem præfatus  
Rex Christianissimus eodem religionis  
Zelo ductus operis suum in urbe Orato-  
rem nobis significari exponique  
Curauerit, nullam aliud opportunius  
remedium pestiferæ huius contagionis  
reliquis extirpandis adhiberi proposu-  
it, quam si omnes eorundem formulam



Subscriberent nostrā auctoritate  
firmatam, in qua quinque Proposi-  
tiones ex Cornelii Jansenii libro,  
cui titulus Augustinus, excerptas  
sincere damnarent, ac proinde illam  
a Nobis quantocius expediri, ad  
qualibet effugia præcludenda,  
omnesque remouendos obtentus  
flagitauerit, nos tam piis dicti  
Regis Christianissimi votis benigne  
annuendum esse ducentes, formulam  
infra scriptam ab omnibus  
Ecclesiasticis etiam venerabilibus  
fratribus nostris Archiepiscopis et  
Episcopis nec non aliis quibuscun-  
que Ecclesiastici ordinis, tam  
regularibus, quam secularibus,  
etiam Monialibus, Doctoribus  
et Licentiatis, aliisque Collegio-  
rum Rectoribus atque Magistris  
subscribi Districte mandamus,  
idque intra tres menses a die  
Publicationis seu Notificationis  
Præsentium: alias Contra eos: qui

intra terminum præfatum non  
paruerint irremissibiliter procedi  
volumus juxta Canonicas constitu  
tiones et Conciliorum Decreta,

Formula  
asupradictis subscribenda

Ego N. Constitutioni Apostolicæ  
Innocentii X. Datæ die 31. Maii  
1653. et Constitutioni Alexandri  
VII Datæ 16 octobris 1656  
Summorum Pontificum, me  
subjicio et quinque Propositio  
nes ex Cornelii Jansenii, &  
Libro, Cui nomen Augustinus  
excerptas et in sensu ab eodem  
Auctore intento, prout per  
illas dictas Constitutiones Sedes  
Apostolica damnavit, Sincero  
animo rejicio ac damno, et ita  
Turo, Si me Deus adjuvet et  
hæc Sancta Dei Evangelia



Decernentes in super<sup>ius</sup> præsentibus  
Literas semper et perpetuo  
validas et efficaces existere. et fore  
suosque plenos et integros effectus  
sortiri, et obtinere. Sicque per  
quoscunque Iudices ordinarios et  
Delegatos ubique Iudicari et  
Definiri debere sublata eis et  
eorum cuilibet quavis aliter  
Iudicandi et interpretandi facultate,  
et auctoritate, ac irritum et inane  
esse. si secus super his à quo quocunque  
quavis auctoritate ~~semper~~ scienter  
vel ignoranter contigerit attentari.  
Quocirca venerabilibus fratribus  
Archiepiscopis et Episcopis aliis  
que locorum ordinariis Committimus  
et mandamus ut singuli in  
suis diocesis ac locis suæ  
Jurisdictioni Subjectis præsentibus  
Literas et in eis contenta quæ  
cunque exequantur et exequi ac  
observari ab omnibus curent.

et inobedientes quoscunque per  
sententias, censuras, et poenas  
aliaque juris et facti, remedia  
appellatione, proposita inuocato  
etiam ad hoc, si opus fuerit Gracii  
Secularis auxilio omnino compellam.  
Volamus autem, ut presentium  
transumptis, etiam impressis manu  
Notarii publici subscriptis et sigillo  
alicujus personae in dignitate  
Ecclesiasticae Constitutae unitis, eadem  
fides prorsus adhibeatur quae ipsis  
originalibus litteris adhiberetur si  
essent exhibita vel ostensa. Nulli  
ergo omnino hominum liceat hanc  
nostram constitutionem et ordinationem  
infringere, vel ei ausu temerario  
contrahere. si quis autem hoc  
attentare, presumpserit indigna-  
tionem Omnipotentis Dei ac B. B.  
Petri et Pauli Apostolorum ejus  
se noverit incursum. Datum  
Romae apud Sanctam Mariam  
Majorem anno Incarnationis Domini  
1665. 15 Kal. Martii Pontificatus nostri  
an. decimo



J. Cardinalis Prodatarius  
S. Ygolinus  
Visa de Curia P. Ciampinus  
Attergo registrata à Secretario  
Breuium

Anno à Natiuitate D. N. Iesu  
Christi millesimo Sexcentesimo &  
sexagesimo quinto, indictione &  
tertia die vero 17 Mensis february  
Pontificatus autem in Christo Patris  
S. D. N. Alexandri, diuina &  
Providentia Papa VII anno ejus &  
Decimo retrospectae Litterae &  
Apostolicae affixae et publicatae &  
fuerunt ad Valuas Basilicae Principis  
Apostolorum Cancellariae Apostolicae,  
in acie Campi florae, ac aliis locis  
solitis et Consuetis vrbis per me &  
stephanum Vivaldum Cursorem &  
Apostolicum

Can

Wing.

Folio

o2

144

.A1

v.2-

no. 16

THE NEWBERRY LIBRARY